

La ARLeF a vicino/lontano cun “MAMAN! La cjasute dai fruts curiôs” e “INT/ART storiis di artiscj furlans”

Intal cûr dal Festival, la ARLeF e promôf “**Maman! La cjasute dai fruts curiôs**”, un spazi dedicât ai fruts di “vicino/lontano” e ai lôr amîs par divertîsi in compagnie dai protagoniscj di “Maman!”, la prime trasmission televisive par fruts par furlan che e va in onde ducj i vinars su Telefriuli.

La presentadore Daria Miani e il Mâc Deda a dan apontament ai plui piçui **intal spazi de Librarie Mondadori in vie Savorgnana 16/b (place Venerio)**.

A saran zûcs di ilusion e magjiis fantastichis, lis pontadis televisivis di “Maman!”, i cartons animâts di Omenuts, de Pimpa e de Âf blu, leturis animadis, dissens di colorâ, zûcs a premis e regaluts par ducj.

Vinars ai 12 di Mai dal 2017 des 17 aes 19; sabide apontament dopli, des 10 aes 12. e des 17 aes 19.

Il program - curât de ARLeF - al previôt ancje un apontament inte serade di sabide ai 13 di Mai, aes 20.30, inte Glesie di Sant Francesc, cun “**INT/ART Sintî locâl - Agjî globâl**”, la proiezion di cinc documentaris monografics in lenghe furlane dedicâts aes storiis di zovins artiscj furlans, tra l'amôr pe art e la identitât culturâl e linguistiche.

A saran presints il regjist Dorino Minigutti, Lorenzo Fabbro e i protagoniscj de serie: Rudy Citossi, Dek Ill Ceesa, Caia Grimaz, Alessandro Mansutti e Elsa Martin.

Udin, ai 5 di Mai dal 2017

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / e-mail: arlef@caltpr.it
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<